

Carta na jnda we na seiljeii Pedro

Carta na seicwanom Pedro ndaa nn'aⁿ na cwilayu'

¹ Ja Simón Pedro cwiluiindyō moso 'naaⁿ Je-sucristo ndo' apóstol na majñoom na mañequiaya ñ'oom naya ndaa nn'aⁿ. Matseiljeiya ndo' matse-icwanoⁿya cartawaañe ndaa 'o na mati laxmaⁿ'yo' juu na cwila'yuy'a n'om'yo' cha'xjeⁿ já, na juu jo' jeeⁿ ndya' jnda tseixmaⁿna'. Laxmaⁿ'yo' juuna' nc'e nguii Ty'oōts'om na cwila't'maaⁿndyō ñequio Jesucristo na macwji'n'maaⁿñê jaa cwiluiñê na maty'iomyana'.

² Nc'e na cwital'jnaⁿ'yo' Ty'oōts'om ñequio Jesús na cwiluiñê na matsa'ntjoom jaa, cwijndye naya na cato'ñoom'yo' na la'xmaⁿna ñequio na tjaa ñomtiuu c'om'yo' jo ndaana.

Jndaa' chiuu l'ue ts'om Ty'oōts'om na calaxmaa' jaa

³ Nguii Ty'oōts'om, cantyja 'naaⁿ najndeii na cwiluiñê, mañequiaaⁿ na cwicandaaya cha'tso na macaⁿna' jaa cha ndaa nnc'oōⁿya jo nnoom ndo' cha ndaa nlajomndyō cantyja na cwiluiñê. Mach'eeⁿ na ljo' nc'e nqueⁿ na maqueeⁿñê 'o na jeeⁿ ndya' t'maⁿ cwiluiñê ndo' mati ñequio cha'tso naya na t'maⁿ na mach'eeⁿ.

⁴ Cantyja 'naaⁿ nmeiⁿl, jnda tquiaaⁿ ñ'oom ndaaya chiuu na nnts'aaⁿ, na joo ñ'oom'ñeeⁿ jeeⁿ jnda laxmaⁿna', cha cantyja 'naaⁿ joona' 'o ndaa

ntsalamndyo' na jom Ty'oots'om teincooñe ndo' cha ndaa' nndyaandyo' natia na cwajndii na chuu tsjoomnancue na matseiquee'na' ts'om ts'a'n.

5 Nc'e na luaa', juu na cwilayu'ya n'om'yo', maca'na' na c'om'yo' na xcwe cantyja 'na'nyo' ñequio nn'a'n, ndo' ñequio juu jo' c'om'yo' na xcwe cala'no'nyo',

6 ndo' quia cwilaxma'nyo' jo' c'om'yo' na que'ndyo' che'ncjo'yo' xje'n, ndo' ñequio juu jo', c'om'yo' na nioom'che' n'om'yo', ndo' ñequio juu jo', quiandyo' na nleitquioo' na m'a'nyo' cantyja 'naa'nyo' Ty'oots'om,

7 ndo' quia laxma'nyo' jo', c'om'yo' cha'xje'n ñequii ts'a'n ntseinda, ndo' na ljo', c'om'yo' na jnda nquiu'yo' nn'a'n.

8 Ee xe'n cwila'xma'nyo' cha'tso nmei' ndo' cwileijndye joo'na' cantyja 'na'nyo', xocats'aana' na ticwil'uendyo' mei'n ticwe' ts'iaa'ndyo na cwilaxma'nyo' cwentaa' Ta Jesucristo.

9 Saa' ts'a'n na ticatseixma' nmei', cwiluiiñe ts'a'n na tsā manty'iaa' oo nchjaa'. Jnda' tsuu' ts'oom na seilju' Ty'oots'om jom jnaa'a'n na ñeseixmaa'n.

10 Jo' chii 'o nn'a'nya na cwila'yuy'yo' ñ'e'n Ty'oots'om nc'e na tquee'ñê 'o ndo' tjeii'ñê 'o cwentaa'a'n, cjoo' n'om'yo' na calaxma'nyo' nmei', ee xe'n na nmei' cwil'a'yo' quia jo' tijoom nntseilcwe'tya'na' 'o cantyja 'naa'a'n.

11 Ndo' xe'n nmei' nl'a'yo', jee'n tinc'uaa' nñequiaa'n na nntsaquiee'ndyo' yuu na ticantycwii na matsa'ntjom nquii na tjacantya na t'ma' cwiluiiñe ndo' na macwji'n'maa'ñe jaa, juu Ta Jesucristo.

12 Jo' chii ñequii'che'n na matseilcwii'ndyo

ñ'oommeiⁿ ndaa'yo' meiiⁿ na manquiu'ya'yo' joona' ndo' mantyjiiya na 'o m'aaⁿtyeⁿ n'om'yo' ñ'oom na mayuu' na jnda to'ñoom'yo'.

13 Ee maxjeⁿ ntyjii na maty'iomyana' na matseilcwii'ndyo ñ'oommeiⁿ ndaa'yo' yocheⁿ na wa'ndo'a.

14 Ee ntyjiiya na mawaxjeⁿ na nnc'io, cha'xjeⁿ t'moⁿ Ta Jesucristo nooⁿ.

15 Saa nnts'aa cha'tso na nndaā nnts'aa cha meiiⁿ na jnda ty'io nncjaañjoom' n'om'yo' ñ'oommeiⁿ.

Ñ'eⁿ Pedro quia seit'maaⁿñe Ty'oots'om Jesucristo

16 Quia na t'mooⁿyaⁿ ndaa'yo' cantyja 'naaⁿ na-jndeiⁿ na matseixmaⁿ Jesucristo na cwiluiñe na matsa'ntjoom jaa, ndo' cantyja 'naaⁿ na nntseix-maaⁿ quia na nndyonnaaⁿaⁿ, nchii cwe' cuento ñ'oom'ñeeⁿ, ee jndoo'ndaayâ na tjacantyja na t'maⁿ seit'maaⁿñe Ty'oots'om jom.

17 Ee nty'iaandaayâ xjeⁿ na nquii Tsotyaaya Ty'oots'om t'maⁿ seit'maaⁿñe jom, tso: “Luaa nquii ti'Jndaaya na jeeⁿ candya' ts'ooⁿya jom, ñ'eⁿ jom jeeⁿ neiⁿya.”

18 Mancjootyayâ jndyaayâ ñ'oom'ñeeⁿ na tso na jnaⁿna' nandye cañoom'luee, xjeⁿ na t'ooⁿya ñ'eⁿñe sjo'ñeeⁿ na lju' tseixmaⁿna'.

19 Ndo' mati waa na cwileiñ'ooⁿya na ma-jndaa'ya, juu ñ'oom na tyolaneiⁿ profetas na tyoñequia ñ'oom' Ty'oots'om tandyo xuee, 'o jeeⁿ xcwe nl'a'yo' xeⁿ cwilañ'oom'ndyo' ñ'oom'ñeeⁿ na laxmaⁿna' cha'cwijom lámpara na matseix-ueeñena' yuu na jaaⁿñe, hasta nquii na cwiluiñe caxjuuncoo matseixueeñe naquii' n'om'yo'.

²⁰ Saa najndyee macaⁿna' na catsei'noⁿl' ts'aⁿ na tjaa'naⁿ cwii ñ'oom' Ty'ooⁿts'om na teiljeii nc'e na seijndaa'ñe nquii na seiljeii juuna',

²¹ ee profetas na tyoñequia ñ'oom cantyja 'naaⁿl' 'naaⁿ na quia nluui, ticalaneiⁿna chiuu tyom'aaⁿl' n'om nquieena. Joonā tyolaxmaⁿna nn'aⁿ na tyolaneiⁿ cwentaa' Ty'ooⁿts'om chiuu t'moⁿ Espíritu Santo ndaḡana.

2

M'aⁿ nn'aⁿ na tiyuu' ñ'oom cwit'mooⁿ
(Jud. 4-13)

¹ Mati tiempo'ñeeⁿ tyom'aⁿ profetas na tiyuu' ñ'oom tyoñequia ndaaⁿ nn'aⁿ Israel, ndo' majo'ti nnts'aana' quii'ntaaⁿyo'. Joonā cwe' nty'iu nt'mooⁿna ñ'oom na nntsei'ndaa'na' 'o, hasta nluena na tiyuu' ñ'oom cantyja 'naaⁿl' nqueⁿ na macwji'n'maaⁿñê joona, ndo' na luaa' n'omna tyuaa' nnt'uiiwi'na' joona.

² Jndye nn'aⁿ nla'jomndye natia na jeeⁿ wi' laxmaⁿna, ndo' jnaaⁿl' na luaa' laxmaⁿ na'ñeeⁿ, tis'a ñ'oom ncwineiⁿ cantyja 'naaⁿl' ñ'oom naya 'naaⁿl' Ty'ooⁿts'om.

³ Nc'e na jeeⁿ queeⁿ n'omna s'om, jo' na nl'ana nawil' 'o ñequio ñ'oom na cwit'mooⁿna ndaa'yo' na tiyuu' saa Ty'ooⁿts'om teiyo seijndaa'ñê na nnt'uiityeⁿna' joona, ndo' maxjeⁿ nluui cha'xjeⁿ na jndaⁿ seijndaa'ñê.

⁴ Ee ángeles na l'a jnaⁿ tīcatseit'maⁿ ts'om Ty'ooⁿts'om. Tiom joona naquii' b'io yuu na jaaⁿñe, na chu'tyeⁿndyena l'uaancjo na caljoo'ndyetyeⁿna jo' jo' na nncwindoo'na hasta quia na nncu'xeeⁿ cha'tso.

5 Meiⁿ nn'aⁿ na tyom'aⁿ tsjoomnancue teiyo, tîcatseit'maⁿ ts'om Ty'oo^ts'om joona quia seiquioom ndaalua'nty'a nacjoona na tia nn'aⁿndyena. Mandā tjei'n'maaⁿñê Noé, ndi ñ'eeⁿ ntquiee' nn'aaⁿ tsaⁿñeeⁿ. Jom tsaⁿ na tyoñequiaa ñ'oom ndaaⁿ nn'aⁿ na c'omna cantyja na maty'iomyana'.

6 Ndo' mati seijndaa'ñe Ty'oo^ts'om na tyuui' tsjoom Sodoma ñ'eⁿ Gomorra na tco ñ'eⁿna' cwe' tsjaa' 'ndiina'. S'aaⁿ na ljo' cha na m'moⁿna' ndaaⁿ nn'aⁿ na quia nnc'om na tal'ana cha'xjeⁿ tyol'a naⁿñeeⁿ.

7 Saā seicandyaañê Lot na tyom'aaⁿ tsjoom'ñeeⁿ ee tyotseixmaⁿ cantyja na maty'iomyana'. Tyotsei'ndaa'na' ntyjeeⁿ na tyonty'iaaⁿaⁿ na cwajndii natia na tyol'a naⁿñeeⁿ.

8 Juu Lot'ñeeⁿ tyoluiiñê cantyja na maty'iomyana'. Jo' chii 'io ndi 'io tyotsei'ndaa'na' ntyjeeⁿ na tyonty'iaaⁿaⁿ ndo' tyoñeeⁿ cha'tso nnom natia na tyol'a naⁿñeeⁿ.

9 Jo' chii nn'aⁿ na cwiñequiandyen'eⁿ cantyja na l'ue ts'om Ty'oo^ts'om, mantyjiiⁿndaa'ñê chiuu nntseicandyaañê ts'aⁿ quia na maqueⁿna' xjeⁿ juu. Ndo' mati nn'aⁿ na cwiñequiandye cantyja 'naaⁿ natia, nljoo'ndyena nacje 'naaⁿ nawi' na nt'uiityeⁿna' joona xuee na nntu'xeⁿndye nn'aⁿ.

10 Maluaa' nnts'aaⁿ ñequio nn'aⁿ na cwe' cwiñe'quiandyeto cantyja na neiⁿco nquiu nn'aⁿ tsjoomnancue, ndo' na ticuee' n'omna na nntsaⁿntjom Ta Jesús joona. Tjaa na matseicaty'uena' joona na cwiñe'quiandyetona cantyja na l'ue n'om nquieena. Meiⁿ tinquiaana na nluena cwii ñ'oomntjeiⁿ nacjoo joo na jndāti na

t'maⁿ cwiluiindy^e na m'aⁿ yuu na jeeⁿ neiⁿncoo',

11 saa wandyo' waa cantyja 'naaⁿ ángeles ee meiiⁿ na jndatina ndo' t'maⁿti laxmaⁿna, saa tiquila'jnaaⁿna joo na jeeⁿ t'maⁿ cwiluiindy^e jo nnom nquii na matsa'ntjom.

12 Saa joo nn'aⁿ na tiyuu' ñ'oom na cwiñequia matseijomna' jooa cha'cwijom quioo' na tijndo' n'om. Ee quioo' cwe' cwil'atoyo'. Tuiindyeyo' na ndaa nnt'ue nn'aⁿ na nla'cwjeena jooyo'. Naⁿñeeⁿ meiiⁿ ñ'oom na ticala'noⁿna saa cwilaneiⁿna ñ'oom ntjeiⁿ cantyja 'naaⁿna', ndo' nncwjena cha'xjeⁿ cwiwje quioo',

13 nnt'uiiwi'na' jooa nc'e na jnda ta'wi'na nt'omcheⁿ. Jooa m'aⁿna na neiiⁿna na cwiñequiandyena cantyja 'naaⁿ joo na neiⁿnco nquiu nn'aⁿ tsjoomnancue. Matseijnaaⁿna' 'o na cwilajomndyena ñ'eⁿndyo' quia cwicwa'yo' na cwila't'maaⁿndyo' xjeⁿ na cwila'neiiⁿndyena na cwiñequiandyena ñequio na neiⁿnco n'omna na manquiu'nn'aⁿna' jooa.

14 Na nty'iaana cwii yuscu, queeⁿ n'omna jom, tyoojaacjooa na cwila'tjoondyena. Nn'aⁿ na tityeⁿ cwila'yu', cwi'oochoondyena naⁿñeeⁿ na n'ndye ñ'oom' Ty'oots'om. Laxmaⁿna nn'aⁿ na queeⁿ n'om 'naaⁿ cwiicheⁿ ts'aⁿ na ñe'cuaana' lueena. Laxmaⁿna nn'aⁿ na nlco'wi' Ty'oots'om.

15 La'xmaⁿ na'm'aⁿ nn'aⁿ na jnda tsuundy^e ee jnda 'ndyena nato na yuu. Jooa cwila'jomndyena ñ'oom na tyoñequiaa profeta Balaam jnda Beor na tyoqueⁿ ts'oom na nncwantjoom s'om cantyja 'naaⁿ natia na nnts'aaⁿ.

16 Saa na tia na s'aaⁿ, jndi'tiaaⁿl'aⁿ ñ'oom l'ndyoo ts'aⁿ na seineiⁿ snom tsmeiiⁿeⁿ, ndo' na ljo' seit-saaⁿñena' na ntjeiⁿ ljo' wjacats'aaⁿ.

17 Naⁿm'aⁿl' na cwit'mooⁿ ndaaⁿ'yo', la'xmaⁿna cha'cwijom lui' na jndaⁿ tcaaⁿ, cha'cwijom nchquiu na lomañjaaⁿ mantquie jndye. Ndo' jndaⁿ teijndaa' cantyja 'naaⁿna na ticantycwii na ljoo'ndyetyeⁿna yuu na jaaⁿ ntom.

18 Naⁿm'aⁿl' s'a ñ'oom cwilaneiⁿna na tixocatei-jndeina' ts'aⁿ na c'oom cha'xjeⁿ na l'ue ts'om Ty'oots'om, cantyja 'naaⁿl' natia na cwiluii ndo' na queeⁿ n'om nn'aⁿ, cwil'a naⁿm'aⁿl' na joo nn'aⁿ na quia jnaⁿcheⁿna' na cwindyaandye natia na matseixmaⁿ tsjoomnancue, quiandye naⁿñeeⁿ cantyja na l'ue n'omna.

19 Cwiluena xeⁿ nntseijomñe ts'aⁿ ñequio ñ'oom na cwiñequiana, nnc'oom candyaañe ts'aⁿ saaⁿ nquiee tquiena laxmaⁿna na cwindye'ntjomtyeⁿna ndaaⁿ natia, ee meiⁿquia na maqueⁿna' xjeⁿ 'naaⁿl'na' ts'aⁿ, tseixmaⁿ tsaⁿñeeⁿ ts'aⁿ na mandi'ntjomtyeⁿ nnom juuna'.

20 Ee quia matseyu' ts'aⁿ ñequio nquii na cwiluiiñe na matsaⁿ'ntjom, nquii Jesucristo na macwji'n'maaⁿñe nn'aⁿ, ee na matseyu' ts'aⁿ jo' jndaⁿ jndyaañe natia na matseixmaⁿ tsjoomnancue ndo' ndaⁿquia xeⁿ nntseijomñennaⁿl'aⁿ ñequio natameiⁿl', cwajndiiti nntjoom, nchiiti na tjom jñeeⁿ.

21 Tit'manti nnt'uiina' naⁿm'aⁿl' xeⁿ tyootajnaaⁿl'na ñ'oom na mayuu', saaⁿ nc'e na ta'jnaaⁿl'na juuna' ndo' ndaⁿquia tjeii'l'cwe'ndyena, tyeⁿti nt'uiina' joona nc'e ta'jnaaⁿl'na ñ'oom na lju' na matsaⁿ'ntjomna'.

22 Ndo' na luaa' waa ma'moⁿna' na mayuu' ñ'oom na tjañoom'. Matso ñ'oom'ñeeⁿ: “Juu catsue' wjaacwa'nnaaⁿ'aⁿ 'naⁿ na jnda to^o. Ndo' catscu na jnda seicandaa' ts'aⁿ, wjaalcwe'yo', nnt-seicantyeⁿñemnda'yo' quii' tsoo'.”

3

Nndyonnda' Jesucristo

1 'O nn'aⁿya na jeeⁿ jnda ntyjiiya, cartawaañe carta jnda we matseicwanoⁿya na m'aⁿ'yo'. Nty-jaa' ts'o^o na nnc'oom'ya n'om'yo' ñequio we joona'.

2 L'ue ts'o^o na cjañjoom' n'om'yo' ñ'oom na tandyo xuee tyoñequia profetas na lju' n'om. Ndo' mati cjaañjoom' n'om'yo' ñ'oom na t'moⁿ nqueⁿ na cwiluiñê na matsa'ntjoom jaa ndo' macwji'n'maaⁿñê jaa, ñ'oom na tyoñequia apóstoles 'naaⁿ'aⁿ ndaa'yo'.

3 Najndyee c'oom' n'om'yo' ncuee na macanda nnc'om nn'aⁿ na nneiⁿncona nn'aⁿ na cwila't'maaⁿndye Ty'o^ots'om. Macanda nnc'om naⁿñeeⁿ cantyja 'naaⁿ' natia na cwila'queeⁿ n'omna.

4 Nluena: “¿Yuu waa na ma'moⁿna' na matseicandaa'ñena' ñ'oom na seineiⁿ Ta Jesús na nncwjee'nnaaⁿ'aⁿ? Ee cantyjati xjeⁿ na tja nn'aaⁿya na tyolayu'jndyee, ñecwiixjeⁿ m'aⁿ cha'tsoñ'eⁿ cha'xjeⁿ quia na tqueⁿ Ty'o^ots'om joo jo'.”

5 Naⁿm'aⁿ' cwil'ayana na cwitsuu' n'omna quia to' Ty'o^ots'om na maqueeⁿ cha'tso, nc'e ñ'oom ñom, teitquioo' cha'tso na niom jo nandyee mati

jlui' tsjoomnancue quii' ndaa ndo' cantyja 'naaⁿ
ndaa'ñeeⁿ.

⁶ Ndo' mati cantyja 'naaⁿ ndaa, juu tsjoomnancue na tyowaa, tyuui' juuna' ñ'eⁿ ndaalua'nty'a.

⁷ Ndo' mati nc'e ñ'oom 'ndyoo Ty'o^oots'om, joo ljo'luee ñequio tyuaa na waa je', cwileiwena' na lcona' juu xuee quia na nncu'xeeⁿ nn'aⁿ. Xjeⁿñeeⁿ nn'aⁿ natia nn'aⁿndye nntsuundy.

⁸ Sa^a 'o nn'aⁿya na cwila'yu'yo' na jeeⁿ wi' ts'o^ony'a 'o, tintsuu' n'om'yo' na ntyjii Ty'o^oots'om cwii xuee matseijomna' cha'na cwii meiⁿ ndyu ndo' cwii meiⁿ ndyu laxmaⁿna' ntyjeeⁿ cha'cwijom cwii xuee.

⁹ Sa^a nchii cwe' na jeeⁿ nioomñe Ty'o^oots'om na nntseicaña^a ñ'oom na jnda^a tsoom na nnts'aaⁿ cha'xjeⁿ cwila'tiuu nt'omcheⁿ nn'aⁿ, sa^a m'aaⁿ niomcheⁿ ts'oom, ee tical'ue ts'oom na nntsuuñe meiⁿcwii ts'aⁿ. Jom l'ue ts'oom na cha'tsondye nn'aⁿ calcwe' n'omna jnaaⁿna.

¹⁰ Sa^a nncue'cañoom xuee quia na ndyonnda' Nquii na matsa'ntjom quia na tic'omc'ee nn'aⁿ. Nntseijomna' cha'cwijom quia na nncwjee'cañoom tsaⁿnch'ue natsjom. Jeeⁿ nntseicaty'uena' nn'aⁿ na jndeiⁱ nleic'uaa ljo'luee na nntsuuna', ndo' cha'tso na teil'uee'ñe Ty'o^oots'om na tqueeⁿ tsjoomnancue nlcoñ'eⁿna' ñequio chom.

¹¹ Nc'e na luaa' waa na jnda^a teijndaa' na nntyuii' cha'tso nmeiⁿ, maty'iomna' na c'om'yo' na lju' n'om'yo' jo nnoom ndo' na xcwee' n'om'yo' na cwila't'maaⁿndyo' jom.

¹² Cwindo'nty'iaandyo' na nncue'ntyjo xuee quia na nncwjee' Ty'o^oots'om. Cal'a'yo' cha'tso

na nndaā nl'a'yo' cha nntseityuaa'na' na nncuee' xuee'ñeeⁿ. Quia jo' nntyuii' ljo'luee ñequio chom ndo' 'naⁿ na ñequio tuii tsjoomnancue nndi' jooa' ñequio ntsaachom.

¹³ Saa jaa meiⁿndoo'a na nnc'om ljo'luee xco ñequio tsjoomnancue xco na jndaⁿ tsoom na nncuaa na cantyja 'naaⁿ jooa' ñequii'cheⁿ nncuaa na maty'iomyana', ndo' cha'tso ya.

¹⁴ Nc'e na luaa', 'o nn'aⁿya na jeeⁿ wi' ts'ooⁿya, yocheⁿ na cwimeⁿndoo'a nmeiⁿ', cal'a'yo' cha'tso na nndaā nl'a'yo' cha na nljeii Ty'oⁿots'om na ya m'aⁿ'yo' jo nnoom, na tjaa'naⁿ na cwajndiindyo' meiⁿ tacolatjoⁿondyo' jo nnoom.

¹⁵ Tintsuu' n'om'yo' na juu na meiⁿndoo'nty'iaañe Ta Jesús, luaa' tseixmaaⁿ cha wanaaⁿ na nlui'n'maaⁿndye nn'aⁿ. Mati ti'nn'aaⁿya Pablo na jeeⁿ jnda nquiuuya, luaa' waa ñ'oom na seiljeiⁿ na seicwanoom ndaa'yo' cha'xjeⁿ na matseijndo' Ty'oⁿots'om ts'oom.

¹⁶ Ñequio cha'tso carta na matseiljeiⁿ, matseineiⁿ cantyja 'naaⁿ ñ'oommeiⁿ'. Nacjoo' carta'ñeeⁿ ñ'eeⁿ ñ'oom na jndei'na' na nntsei'nqⁿ ts'aⁿ, na joo nn'aⁿ na tyoola'yu'ya n'om ndo' na tijndo' n'om, tixcwe cwila'teincoo'na jooa' cha'xjeⁿ mati cwil'ana ñequio nt'omcheⁿ ñ'oom' Ty'oⁿots'om na jndaⁿ teiljeii, ndo' wi' ntjoomna na cwil'ana na ljo'.

¹⁷ Jo' chii 'o nn'aⁿya na wi' ts'ooⁿya, nc'e na manquiu'ti'yo' ñ'oommeiⁿ', cal'andyo' cwenta, tints'aana' na joo ñ'oom na cwinquio'nn'aⁿ naⁿñeeⁿ na tia nn'aⁿndye, nnc'oochona' 'o na nncju'tya'na' 'o na xcwe m'aⁿ'yo' jo nnom Ty'oⁿots'om.

18 Jo' chii catsata'jnaⁿti'yo' Ta Jesucristo na cwiluiñê na matsa'ntjoom jaa ndo' na macwji'n'maaⁿñê jaa. Jom candya' ts'oom 'o, catsana'jnda'yo' cantyja 'naaⁿ joo jo'. Ticantycwii na cwiluiit'maⁿñê. Amén.

**Ñ'oⁿ xco na tq^en ty'o^ots'om cantxja 'naa'
Jesucristo
New Testament in Amuzgo, Guerrero
(MX:amu:Amuzgo, Guerrero)**

copyright © 1999 Wycliffe Bible Translators, Inc.

Language: Guerrero Amuzgo (Amuzgo, Guerrero)

Translation by: Wycliffe Bible Translators, Inc.

Amuzgo, Guerrero

amu

Mexico

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Amuzgo, Guerrero

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2024-02-11

PDF generated using Haiola and XeLaTeX on 18 Apr 2025 from source files dated 29 Jan 2022

3a693cf5-26ad-5db1-89e8-29e6d3f52b61